



Groot Avontuur 1959



VIR tien Suid-Afrikaners lê 'n groot avontuur voor wanneer hulle op 28 November met die Noorweegse skip Polarbjorn as lede van die eerste Suid-Afrikaanse ekspedisie na die Suidpool van Kaapstad af vertrek. Die leier is mnr. Hannes le Grange, wat reeds as lid van die Fuchs-ekspedisie 'n voorsmaak van die Suidpool gehad het. Op die foto bo, wat vanoggend in Pretoria geneem is, verskyn drie van die lede, mnr. Chris de Weerdt, 'n dieselwerktuigmindige van Klerksdorp, mnr. D. J. Bonnema, assistent-weerkundige van Pretoria, en mnr. Martin du Preez, 'n radio-tegnikus van Pretoria. Die ander lede is dr. A. le Roux van der Merwe, 'n mediese praktisyn van Pongola, mnr. G. F. Strauss, 'n weerkundige van Windhoek, mnr. W. F. de Swart, 'n weerkundige van Oos-Londen, mnr. M. H. van Wyk, wetenskaplike assistent by die Instituut vir Meganiiese Ingenieurswese van die W.N.N.R. in Pretoria, en mnr. J. von Brunn, 'n geofisikus van Kaapstad. Op die foto links is mnr. Van Wyk, een van die jongste lede van die ekspedisie.

(Foto's per landlyn).